



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-2324/13  
Sarajevo, 6.11.2013. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 11.11.2013

Organizaciona jedinica	Administrativna jedinica	Radni broj	Broj prijave
01-50-1-	15-51	/	13

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 67. sjednici održanoj 6.11.2013. godine, utvrdilo je Odgovor na zastupničko pitanje koje je postavila Aleksandra Pandurević, zastupnica u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupnici.

S poštovanjem,

**GENERALNI TAJNIK**  
*Zvonimir Kutleša*



**BOSNA I HERCEGOVINA  
VIJEĆE MINISTARA**

Broj: 05-50-1-2324/13  
Sarajevo, 6.11.2013. godine

Aleksandra Pandurević, poslanica u Predstavničkom domu Parlamentarne skupštine Bosne i Hercegovine, na 51. sjednici Predstavničkog doma održanoj 25.07.2013. godine, postavila je sljedeće poslaničko pitanje:

**„Komisija za integrisano upravljanje granicom je dala svoju saglasnost za privremeno otvaranje postojećeg mosta između Bratunca i Ljubovije od 01. maja do kraja decembra 2013. godine, za teretni saobraćaj nosivosti do 25. tona. Međutim, ova odluka nije sprovedena do danas, pa me zanima iz kojih razloga nije realizovana i kada će biti realizovana?“**

Na postavljeno pitanje, Vijeće ministara Bosne i Hercegovine je na 67. sjednici održanoj 6. 11. 2013. godine, utvrdilo sljedeći

**ODGOVOR**

Dana, 12.03.2013. godine održana je 26. sjednica Državne komisije za integrisano upravljanje granicom BiH. Između ostalog, članovi Komisije su na sjednici razmatrali pitanje vezano za odobrenje privremenog prometa roba preko graničnog prelaza Bratunac – Ljubovija. U vezi sa navedenim, obavještavamo vas da je Državna komisija za integrisano upravljanje granicom BiH na 26. sjednici usvojila zaključak kojim se daje saglasnost za odobrenje privremenog prometa roba koje ne podliježu inspekcijskoj kontroli preko graničnog prelaza za međunarodni putnički saobraćaj Bratunac – Ljubovija, u periodu od 01.05.2013. godine do 31.12.2013. godine. Dalje, utvrđeno je da se kontrola saobraćaja na graničnom prelazu obavlja na državnom području svake ugovorne strane u radnom vremenu od 00.00. do 24.00. sata i važi za sva vozila čija ukupna težina sa pratećim opterećenjem ne prelazi 15. tona nosivosti.

S tim u vezi, obavještavamo vas da je Državna komisija za integrisano upravljanje granicom BiH u skladu sa svojim nadležnostima, navedeni zaključak, odnosno saglasnost dostavila Upravi za indirektno oporezivanje BiH, Graničnoj policiji BiH, opštini Bratunac, te putem Ministarstva vanjskih poslova BiH i nadležnom organu Republike Srbije, na upoznavanje i dalje postupanje.

Takođe, naglašavamo da Državna komisija za integrisano upravljanje granicom BiH još uvijek nije dobila povratnu informaciju nadležnih organa Republike Srbije po ovom pitanju, uz napomenu da je za otvaranje navedenog graničnog prelaza potrebna obostrana saglasnost nadležnih organa dvije države.